

مجموعه ابوالضیاء

ادبی و سیاسی رساله اسبوعیه در

۳۰ نجی سنه

۵ جمادی الاولی ۱۳۲۹

پنجشنبه

جزء عدد : ۹۴



بر حسبال

مجموعه ابوالضیاء ۹ شعبان ۱۲۹۷ تاریخلی بر رخصتنامهیه استناداً اوسننه رمضانینک ۱۵ شنده نشر اولتفه باشلامش ایدی . بورخصتنامه منیف پاشا مرحومک ایکنجی دفعه کی نظارتلرنده استحصال ایدلمشیدی . و او تاریخده (انجمن تفتیش و معاینه) برینه (انجمن تألیف و ترجمه) قائم اولدیفندن قبل الطبع مسوداتک گوسترلسی اصولی یوق ایدی . بالکیز هر نومروسندن بعد الطبع انجمنه ، ایکیشر نسخه اعطاسی مشروط ایدی .

ایشته بومنوال اوزره ۱۳۰۴ سنه سی غره صفرینه قدر ۵۳ نسخه نشر ایدلمش و ۱۶۹۶ صحیفه دن عبارت بر مجله مفیده تشکل ایلشدی .

بوصره ده معارف نظارتجه وقوع بولان تبدل ، آثار موقوفه حقنده جاری اولان اصولک ده تحولاتی موجب اولمش و بناء علیه رسالتک دخی مؤلفات سائره کبی قبل الطبع معاینه سنه قرار و یرلمشیدی . بوقرار اوزرینه مجموعه بی اختیارمله تعطیل ایلدم . چونکه تدقیق و معاینهیه مأمور اولانلرک حسن نیتته ، فرضاً اعتماد ایدلمک لازم کلسه بیله ، بویولده واقع اوله جق مزاحمه طاعت کتیرمک قابل اوله مازدی . بناء علیه بوتعطیل اختیاریده ۱۳۱۳ سنه سینته قدر ۹ ییل ثبات ایلدم .

نه چاره که آرزوی نشریات عادتاً بر مرض معنوی گپی کتد که مقاومت ایدیه میه جک صورتده اشتداد اید بوددی. نظارتده ایه زهدی پاشا وانجمن ریاستنده عبدالله حبیب افندی بولنیور ایدیلر . بوذاتلرک ایکسیده فواصلدن بولندقلرندن کندیلرینه هر صورتله اعتماد اولنوردی . بناء علیه اولو زهدی پاشا ایلله صورت مخصوصده و آنک موافقتی استحصال اولندقدن صکره حبیب افندی ایلله استشاره ایدیلرک مجموعه بی تکرار نشره باشلادم .

بوابی ذات ایلله قرارلشد برمش ایدک که بن کندی یازیلرله (سانسور) لک وظیفه سنی ایفا ایدلر جکم ؛ آنلرده ، بن کندیلرینی ورطه مؤاخذیه دوشورده جک حاللردن توقی ایدلر جکه مطمئن اوله جقلر . و هر نسخه نك قبل النشر پرووا کاغدلرینه (معاینه اولنشدر) تمقاسنی اورده جقلر . چونکه بن آنلره دیمشدم که : یازه جنم شیلری انجمنکیز ، معاینه ایدوبده طبعنه رخصت و بردکدن صکره واقع اوله ییله جک بر حادثیه ، یعنی مابیندن کله ییله جک بر بلایه کوکس و بره ییله جکی ؟ آنلر : - خیر بونی فصل تعهد ایدلر بیلریر ؟ - دیدیلر .

— اوله ایه ایشی بکا براقکیز . چونکه بن کندیمی ده ، اترمی ده بلایه اوغرا عاق ایسته م . کندم و اترم مخاطره دن مصون بولندقجه سزک ده مصونیتکیز طبیعیدر . ایسته بوقرار اوزرینه ۱۳۱۳ سنه سی شوالنده ۵۴ نجی نسخه بی نشر ایلام . و ۱۳۱۷ سنه سی ذی الحجه سنه مصادف اولان ۹۳ نجی نسخه قدر بلا مزاحم ۴۰ نومرو نشرینه موفق اولدم . و ۱۳۱۷ سنه سی ذی الحجه سینک اوننجی کوئی قونییه ابعادم اوزرینه مجموعه دخی باطبع منع ایدلشدی .

طقوز سنه دوام ایدن مدت اغتراب دخی داخل اولدینی حالده ۱۲ سنه لک بر تأخردن صکره بودفه مشروطیت عثمانیه نك قانون مخصوص ایلله تأمین ایلدیکی سربستی مطبوعاتنه بناء مجموعه عاجزانه می اوچنجی دفعه اولقی اوزره و بر رساله اسبوعیه صورتنده نشره مباشرت ایلام . بوندن صکره مظهر تکامل اولورسه بی اشتباه ، آزادی تفکرک تولید ایتکلکی طبیعی اولان افکار اخلاصکارانه سایه سنده اوله جقدر .

کوزتیه ۲۷ ربیع الاخر سنه ۱۳۲۹

ابوالضیا

